

Dirgahayu!

Pada hari Isnin 11 haribulan April 1966 bersamaan dengan 20 haribulan Zulhijjah 1385, adalah suatu hari yang amat bersejarah bagi seluruh rakyat Malaysia, yang mana pada hari itu Duli Yang Maha Mulia Sultan Isma'il Nasiruddin Shah ibni Almarhum Sultan Zainal 'Abidin telah ditabalkan menjadi Yang di-Pertuan Agong kerajaan Malaysia yang keempat; manakala Duli Yang Maha Mulia Tengku Intan Zahrah binti Tengku Setia Raja ditabalkan menjadi Raja Permaisuri Agong.

Duli Yang Maha Mulia Sultan Isma'il telah dipilih dalam sidang Raja-raja Melayu sebagai menggantikan tempat Duli Yang Maha Mulia Seri Paka¹ Baginda Yang di-Pertuan Agong yang ketiga Tuan² Syed Putra al-Haj ibni Almarhum Tuanku Syed Hassan Jamalullail yang telah berakhir tempoh perkhidmatan baginda, setelah genap baginda memerintah atas singgahsana kerajaan Malaysia selama lima tahun menurut perlumbagaan Persekutuan Malaysia.

Sebelum itu Duli Yang Maha Mulia Sultan Isma'il adalah raja yang memerintah negeri Terengganu. Baginda telah naik takhta kerajaan Terengganu pada 16 Disember 1945.

Mengambil sempena hari yang bersejarah ini, maka bagi pihak majalah Qalam berdoa ke hadrat Allah Subḥānahu wa Ta'ālā mudah-mudahan dilanjutkan usia Duli-duli Yang Maha Mulia Baginda Yang di-Pertuan Agong dan Raja Permaisuri Agong dengan berkekalan memerintah Negara Malaysia di dalam aman dan makmur serta dikasihi oleh seluruh rakyat. Amin... Yā rabbal 'ālamīn!

¹ Perkataan sebenarnya adalah Paduka.

² Perkataan sebenarnya adalah Tuanku.